

胡嘉琪小姐提交的意見書

依家響未設立標準工時，新一代年輕人都比較崇尚自由，無以前果代咁積極性，如果政府設立標準工時，大家試想下將來社會要承受的後果會點？只會造就新一代年輕人欠缺責任感，夠鐘就收工，將來只會更多人領取綜援。

以前沒有管制時，有抱負的員工當然會努力工作，通過加班或者進修來提升自己，也許加班是沒有工資的，但一段時期的付出終會以各種形式來得到回報，或晉升，或加薪，不一而足。而管制後呢，不僅大家工作的時間變少，工作效率也會比原來低：現在的加班時間都是有報酬的，失去了原來的自我提升機制，加班的性質已經變質，效果自然有不同。另外，原來公司獎勵一個人的錢現在要變成大家分，提高效率的動力又從何而來？久而久之，大家的工作能力都會趨於一致，再沒有傑出人才這件事了。

公司當然可以嚴令所有人都不許加班(因為效率降低的同時還要付幾倍的人工)，但是沒完成的工作還是要完成，只好回家做，變成了變相加班。只不過換了一個地點。又或者，公司須另請人工作，加重左公司的負擔，最後因人工而入不敷出，結業收場。到時員工真係有好多時間俾到屋企，新一代的年輕人越來越懶散，領取綜援的人更多。服務性行業就會將另請員工的開支轉架響消費者身上，大家可以睇到依家每個快餐貴左幾多？標準工時只會令物價高漲，令到大眾得不償失。

香港一直都係以自由社會為名，自由社會先至有勁爭能力，先至可以令社會進步。標準工時只會令香港更浮沈及大倒退，就好似歐洲等地的情況一樣，而香港以外的城市，好似深圳，上海等地區，必定遠超香港，香港再唔會有多勞多得，再唔會發掘到精英去推動香港的經濟。